

سهلکی در سعادت ایچون مجیدیه
یکرمی غروش حسابیه التمش
غروشدر

طشره ایچون پوسته اجرتی اوله ورق
اون بش غروش ضم اولنور

نسخه سی ۴۰ پاره در

فکرانیک علییه

آبونه اولق ایستینلر دائره عدلیه ده
اداره مخصوصه سنه مراجعت
ایملیدر

اعلاناک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ابرتسی و چهارشنبه کونلری نشر اولنور. محتویاتی امور عدلیه متعلقدر

تبلیغات

محکوم اولدینی جزای نقدی نأدیه وایفادن امتاع ایدن اشخاصک حبسه تحویل جزالری یولنده اخیراً تنظیم واعطا قلنان اعلاماتک بالآخره محکوم به جزای نقدینک تماماً ویا قسماً تسویه سی حالنده تنفیذندن صرف نظر اولنق لازم کلوب کلمه چکی امرنده انجمنندن ویریلوب جریده محاکم عدلیه ایله نشر واعلان اولنان مقرراتک یکدیگره مبنایتندن بخله استفسار معاملیه متضمن قسطمونی ولایق استیناف محکمه سی مدعی عمومیلکندن وارد اولان تحریرات اوزرینه انجمن عدلیه دن تنظیم واعطا قلنان مذکرده: یکدیگره مخالفتندن بحت اولان مقررات مذکورنک بریسی تنبا کو اداره سنک حقوق شخصیه سی جمله سندن اولان جزای نقدیدن طولانی ویرلش و دیگری دخی طولاندر یجیلق فعلیه ایکی سنه حبس ویکرمی ایرا جزای نقدی ایله محکوم بولنان بر شخصک حبس مدتی بعدالاکال جزای نقدی نأدیه امتاعی وقوعه مبنی لاحق اولان حبس قرارینک قسماً تأدیاند بولنسنندن ناشی تنفیذی ایجاب ایدوب ایتیه چکی یولنده کی استفساره متفرع بولنش اولسنه و تنبا کو قاجیلغندن طولانی استیفاسی لازم کلان جزای نقدینک صورتحصیلیه سی نظامنامه مخصوصی منطوقجه اجرا قانونسه تابع اولمغه برابر اشبوجزای نقدی اساساً اداره نک حقوق شخصیه سندن اولق اعتباریله محکوم علیه جانبندن ارانه قلنان تأمیناته قارشو انضمام موافقتی حالنده حبس قرارینک عدم تنفیذی طبیعی وایکنجی مسئله ده جزا قانوننامه هایوننه توفیقاً حکم اولان جزای نقدیلرک تأدیه سندن امتاع ایدنلر حقنده دخی جرائمندن نشأت ایدن حقوق شخصیه دعوالزینسه متدائر اعلاماتک صوراجرائیه سی حقنده کی نظامنامه احکامجه کذلک اجرا قانونسه توفیق معامله لزومندن ذهول ایله ویریلان حبس قرارینک اکتساب قطعیت ایتسنندن ناشی تنفیذی ضروری کورنسنه بناءً انجمنجه هر ایکی مسئله نک ایجاب قانونیسی دائره سنده

معاملات لازمه متعاقبه سی بیان اولنش و بناءً عایه میدانده موجود و لازم التنفید اولان مذکور حبس قرارینک اصولاً برطرف ایدلسی امکانشک عدم قابلیتندن متولد بر ضرورت نتیجه سی اوله ورق شو. خصوصه سرد اولنان مطالعاتک بویه بر سبب قانونی اولیان احوال سائرده مدار تطبیق اوله میسه جنی کی مقررات مذکورده ک اسباب موجب سنه نظراً یکدیگره مبنایتنی دخی کوریه مامش و مع هذا کرک توتون و تنباکو قاجیلغندن و کرک قانون جزا احکامجه سائر افعال وحرکات جرمیه دن طولانی حکم اولنان جزای نقدیلرک عدم تأدیه سی حالنده بوکی احکام و مقرراتک جرائمندن نشأت ایدن حقوق شخصیه دعوالزینسه دائر ویریلان اعلاماتک معاملات اجرائیه سی معرف اولان سالف الذکر نظامنامه احکامه توفیق مقتضی اولسلیله بعدازین احوال مماثلده اکاکوره اقتضاسنک ایفاسی لزومنک جواباً مذکور مدعی عمومیه که تبلیغی افاده قلنمشدر.

محاکمات و مقررات

صالح بن مویقوبی قتل ایلدیکی ادعا اولنسنندن دولای جنایتله اتهام اولنان جانفو بن سنالک اون بش سنه مدته کورکه قونلسنه دائر سنیه سنجای بدایت محکمه سی جزا دائره سندن ویریلان ۲۴ نومرولی اعلام خورشید اغازاده شوق بکک دکانه معامله جبر و شدت اجرائیه بالذخول نقود و اشیاسی سرقت ایلدیکی ادعا اولنسنندن دولای جنایتله اتهام اولان صالح بن علی ابراهیمک اوچ سنه مدته کورکه قونلسنه دائر حلب ولایق استیناف محکمه سی جزا دائره سندن صادر اولان ۲۱ نومرولی اعلام شیخ مغلیبی ضرب ایدرک وفاته سبب ویردیکی ادعا اولنسنندن دولای جنایتله اتهام اولنان سالم بن محمدک بش سنه مدته کورکه قونلسنه دائر قدس شریف

سنجای بدایت محکمه سی جزا دائره سندن ویریلان ۳۷ نومرولی اعلام قالقاندلی رمضان بن ادریس وزیر بن زاعیمی قتل قصیده جرح ایلدکری ادعا اولنسنندن دولای جنایتله اتهام اولنان هارون بن سلیمان و عمر بن اسلامک اوچر سنه مدته کورکه قونلرینه دائر پرزین سنجای بدایت محکمه سی جزا دائره سندن ویریلان ۴۳ نومرولی اعلام صاری شعبان قضاسی اهالیسنندن حسن بن مصطفای قتل قصیده جرح ایلدکری ادعا اولنسنندن دولای جنایتله اتهام اولنان حسن بن احمد و برادری محمدک اوچر سنه مدته کورکه قونلرینه دائر درامه سنجای بدایت محکمه سی جزا دائره سندن ویریلان ۲۶۰ نومرولی اعلام قره سرسللی طومروق سلیمان اوغلی حسینی قتل ایلدیکی ادعا اولنسنندن دولای جنایتله اتهام اولنان قریه مذکورده لی بکر بن ایوبک اون بش سنه مدته کورکه قونلسنه دائر اذمید سنجای بدایت محکمه سی جزا دائره سندن ویریلان ۱۱۳ نومرولی اعلام کشان قضاسنک غره بونه قریه سندن قصاب طوقان یوانک اوکلرینه چیه ورق اچقرلری المنه تصدی و یوانه قتل قصیده تشهر سلاح ایلدکری ادعا اولنسنندن دولای جنایتله اتهام اولنان باباس اوغلی طناشک اوچ و دیمتری اوغلی ترزی طناشک اوچ بچق سنه مدته کورکه قونلرینه دائر تکفور طاعی سنجای بدایت محکمه سی جزا دائره سندن ویریلان ۸۷ نومرولی اعلام بوجاقو قریه سی اهالیسنندن طناش اندونینک اوکنسه چیه ورق جبراً نقودنی اخذ ایلدیکی ادعا اولنسنندن دولای جنایتله اتهام اولنان حسین بن طوبال احمدک اوچ سنه مدته کورکه قونلسنه دائر سرفیجه سنجای بدایت محکمه سی جزا دائره سندن صادر اولان ۳۰۷ نومرولی اعلام جمعه قضاسنک آربنه قریه سندن محمود بن احمدی

قتل قصدیه جرح ایلدیک ادعا اولمسنندن دولای
جانیله اتهام اولسان قریه مذکورلی ولی
بن ابراهیمک اوج سنه مدته کورکه قولسنه دایر
سرفجه سنجانی بدایت محکمه سی جزا دائره سندن
صادر اولان ۳۴۱ نومرولی اعلام

عثان اوغلی رسم وعارف اوغلی احمدی جرح
ایلدیکری ادعا اولمسنندن دولای جانیله اتهام اولنان
صوفلو قضای اهایلسندن ناشو ولد طودوری ایله
دیتری ولد خرسونک اوجر سنه مدتله
کورکه قوللرینه دایر دده افاج سنجانی بدایت
محکمه سی جزا دائره سندن صادر اولان ۱۳۵
نومرولی اعلام

حسن بن یوسفه جسماً اذا وخلاف اصول اوله رق
مرفومی حبسه القا ایلدیک ادعا اولمسنندن دولای
جانیله اتهام اولنان مختار ملا احمد بن حسنک اوج سنه
مدته کورکه قولسنه دایر سیروز سنجانی بدایت
محکمه سی جزا دائره سندن ویریلان ۱۹ نومرولی
اعلام

ایلیصانی مصطفی بزیرک خانه سندن اشیا سرقت
ایلدیکری ادعا اولمسنندن دولای جانیله اتهام ایلدیلان
مصطفی ورفقی محمودک اوجر یجق سنه مدتله
کورکه قوللرینه دایر ایلیصان سنجانی بدایت محکمه سی
جزا دائره سندن ویریلان ۱۳۸ نومرولی اعلام

حسن بهلوان اوغلی احمدی قتل ایلدیک ادعا
اولمسنندن دولای جانیله اتهام اولنان بالی صالح
اوغلی ابراهیمک اون بش سنه مدته کورکه قولسنه
دایر اطرغرل سنجانی بدایت محکمه سی جزا دائره سندن
ویریلان ۱۷۴ نومرولی اعلام

خلیل بن بنونی جرح ایدرک وفاته سبیت
ویردیک اولمسنندن دولای جانیله اتهام اولنان حسین
بن علی شارک بش سنه مدته کورکه قولسنه دایر
اورفه سنجانی بدایت محکمه سی جزا دائره سندن
ویریلان ۳۳ نومرولی اعلام محکمه تمیز جزا
دایره سنجه تصدیق اولمشدر .

**درسمادت جنایت محکمه سندن تنظیم واعطا
قلنان اعلامدر :**

اوجوزاون طقوزسنه سی شیطانک اون التیجی صالی
کیجه سی ساعت اوج یجق قرارلرنده میشونک یولی
بکله ریک بلا سبب متعدد مخلدن جرح ایتدیکری
ادعاسیله مظلون علیه اولان اورنه کویلی یکریمی اوج
باشنده صدالچی ارستو ولد میخالک جانیله اتهامه
دایر هیئت اتهامیه دن تنظیم قلنان مضبطه ایله استیناف

طورمقدمه اولدیفنی کوروب متهم ارستو اولدیفنی
اکلا دیفی و مرقوم یحیاقله اوزرینه هجوم المسیله
قاچه جنی صرده ایغلتک قایوب دوشمسنندن ناشی
یتشه ریک صول همسک التندن اوردیفنی کی قاقوب
قاجارکن دخی یتشه ریک صول قولندن و جان آجیسيله
قاجوب عطار میشونک اوکنه واردیفنده ده دفعه
نائه ده اوله رق صاغ الینک برمقلرندن اوروب جرح
ایتمکله اوراده یخود اوله رق دوشدیکنی و عندالاستیضاح
متهمک قرداشیله غوغا ایتدیکنی و مرقومی طامیدینی
وجرحنک اسبابی بیله مدیکنی و متهم مرقوم حقنده
مدعی اولدیفنی سرد ایتدی .

علی هذا ضابطه عدلیه تقریری ایله معاینه راپوری
قرائت ایتدیرلدی .

۱۶ شباط سنه ۳۱۹ تاریخلی اولان مذکور
تقریرده اورنه کوی ساکنلرندن بالقجی ارستونک
اوجوز اون طقوز سنه سی شیطانک اون التیجی
کیجه سی ساعت اوج یجق رادمقرنده اورنه کویده
بالقجی و سبزه جی میشونی قایله جرح ایلدیکنک
اخبار اولمسی اوزرینه مجروح مرقومدن صورلدقده
رفقی آرون ایله مذکور خانه جوارندن ناشی ویرنده
مرقوم ارستونک بلا سبب کندوسی جرح ایدرک
فرار ایلدیکری جیوانی النش و جارج مرقومک
استیجوابنده دخی قطعاً انکارده بولندیفنی حالده
تحقیقات محله دن و سکرک فرار ایدر ایکن حین
درسدنده اوزون دمی برقا ظهور ایلمسنندن قتل
جرحک فاعلی اولدیفنک اکلاشیدیفنی ازار و راپورده
دخی میشونک برآت قاطعه ایله بطننک ناحیه
شروسقیمی صول جهته بش سائیمترو طولنده
درد مخلندن درز اولنش و عقی جوف بطنه نافذ
اولمی مامول بولنش برعدد منحرف جرحه و صاغ
الی وسطی و سبیه برمقلری داخاندیه عقلری
عضلانیه قدر و خضر رمفی داخاندیه سطحی اوج عدد
جرحه وینه صول قولتی خلفنده سطحی و مستعرض
دیگر برعدد جرحه و وصول قولی عضدی وسطی
داخاندیه عقی عضلانیه قدر نافذ دیگر برعدد جرحه
مشاهده اولنوب جراحات مذکورنه مرقومی
اللی کون ایشتندن معطل ایدرک بشیوز غرضو اشجره
النیام بولدیفنی اشعار قلنمشدر .

قرائت ایدیلان اوراقه مندرجاته نه یه جکی متهم
ارستودن استفسار ایدلکده دمی قای بره یودینک
التندن الدینی وکلان اوج درد کینک مامور اولدققرلی
ظنیه خوفندن ناشی فرار ایتدیکری جیوانی الدنی .

مدعی عمومیک جانیندن ویریلان شهود بوضله سنده
اسامیسی مجرد اولوب دعوت واقعه یه اتباعاً ورود

ایتدیکری خبر ویریلان کسان برر برر حضور
محکمیه یجقاریله عندالسؤال طرفینه برکونه قرائت
و مناسبت و خصوصتلی اولدیفنی و طرفینی طامیدققرلی
سویلریله اصولاً تحلیقاری بعد الاجرا منفرداً
و مواجهه استماع اولندققرلنده بولنردن اورنه کویده
مرکزنده مستخدم و ۳۳۳ تومرویه مقید پولیس
افرادندن بکری بش باشنده اسکندارلی خالد افندی
ابن محمد و قعه کیجه سی پولیس شوکت افندی ایله
اجرای وظیفه ضمیمه دوراً کزدیکری صرده
جایی مناخک قوشه رق برشخصک التنده یجاق
بولندیفنی حالده طولاشدیفنی ویرینی بکله مکده
اولدیفنک مامول ایدوکی سویلسیله مرقوم ارقه لرلنده
و کندولری دخی اوکده کیدرلر ایکن مرقوم مناخک
قاجنده اولان متهم ارستونی ازانه ایتدیکنی و بونک
اوزرینه مرقومی بالتقیب دره بوبنده درسدت
ایتدیکری و حین درسدلرنده متهم مرقومک برره
انک ایتدیکری وصول الینی قوشاغه کورتوروب
بلنده کی قانک بیضه سندن طولدیفنی حالده کندولرینه
خطاباً کلکز دیدیکنی و مرقومی طوتوب عندالتجری
اوزرنده تازه قان لیکسی بولنان یکی بیلاشمی اوفاق
قینی برقا ظهور ایلمی ایدیه مذکور قانک قبضه سنه
دقت ایتدیکرندن رنگنی تعیین ایدیه جکی مضبوط
افاده سی وجهله اخبار و عندالسؤال ستمک او صرده
سرخوش بولندیفنی و قایله قنده ظهور ایدن دم
علامته دایر جواب ویرمدیکنی و دیدیکری شخصک
حاضر بولان متهم اولدیفنی علاوه کفتار ایلدی .

متهم مرقوم سبب بیان ایتدیکرک شهادت واقعه یی
قبول ایتیه جکی جوابنده بولندی .
(مابعدی کله جک نسخه یه)

ولیک پولیس خلیل افندی به حقارتده بولندیفنی
ثابت اوله مدیفندن برانته

زاخاریا ایله صوفیانوسک بکدیکرکی ضرب
ایتدیکری ثابت اوله مدیفندن برانترینه

واسیلک میخالاک به اطاله لسان ایتدیکری
ومارکو و یورکی و صرافیم و دیگر یورکی و رالی
و سراندی و استفانیک و اسیلک جاملری قیردققرلی
ثابت اوله مدیفندن برانترینه

علینک قیوه جی عینی ضرب ایلدیکری ثابت
اوله مدیفندن برانته

یورکینک شاهینک اموال منقوله سنه ابراث خسار
ایلدیکری ثابت اوله مدیفندن برانته

میخال ولد واسیلک نیقولی ولد خریسانطوسی
ضرب ایلدیکری ثابت اوله مدیفندن برانته

قاپریل ولد کیغورقک فسجی آواکک خانه سنه
طاش ایتدیفنی ثابت اوله مدیفندن برانته

کوفه جی مصطفانک یورکینک چاکتی اخذ
و سرق ایتدیکری ثابت اوله مدیفندن برانته

خدمتجی محبوبک مخلصه خانمی تحقیر ایلدیکری
ثابت اوله مدیفندن برانته

استاطی نام چوجقک استقونی ضرب و جرح
ایتدیکری ثابت اوله مدیفندن برانته

بالان بره شهادت ایلدیکری اصولاً ثابت اوله میان
مصطفی و حسن چاوشلره قدری و مصفانک برانترینه
سالمک عرب جامع شریفی صوطلومه سی قوبار
دیفنی ثابت اوله مدیفندن برانته

قطارجی محمد افندینک هرقلیانی جرح ایلدیکری
ثابت اوله مدیفندن برانته

شکرچی ابراهیم افندینک حق دخولی اولدیفنی
حالده فاطمه بنت مصطفانک خانه سنه کیره رک اطاله
لسان ایلدیکری ثابت اوله مدیفندن برانته

حاجی نیازی بن قاسمک امین بن احوتی ضرب
ایلدیکری ثابت اوله مدیفندن برانته

اسپرو ولد طاشک یانیک اشیا سی اخذ و سرق
ایلدیکری ثابت اوله مدیفندن برانته

سعید افندینک اسماعیل افندی ضرب ایتدیکری
اصولاً ثابت اولدیفندن ایکی التون التهرق مضروب
اعطاسنه

فرارلتک دیتری ضرب ایتدیکری اصولاً ثابت
اولدیفندن برالتون التهرق مضروب اعطاسنه

محمدک لئونک بالطوسی سرق ایتدیکری اصولاً
ثابت اولدیفندن اوجاه حبسنه

اسرائیل و ماردرورسک پولیس جیل و شکر
افندیلری تحقیر ایلدیکری اصولاً ثابت اولدیفندن
برالتون جزای تقدی اخذینه

حسینک النسطاشی جرح ایتدیکری اصولاً ثابت
اولدیفندن برماه حبسنه

قاسمک پولیس علی افندی به یجاق تشهر ایتدیکری
وقانون محمد افندی عادی جرح ایتدیکری اصولاً
ثابت اولدیفندن سکر ماه حبسنه

رضانک چاکتی سرق ایتدیکری اصولاً ثابت
اولان ابراهیمک اوجاه حبسنه

عبداللهک الحقه سی سرق ایتدیکری اصولاً ثابت
اولان حسنک درد ماه حبسنه

بیکرک مغازه سندن اشیا سرق ایتدیکری اصولاً
ثابت اولان یانیک الی آی حبسنه

یورکینک اشیا سی سرق ایتدیکری اصولاً ثابت
اولان اورامک اوجاه حبسنه

یاقونک خاندن غازو زشیه لرلی سرق ایتدیکری
اصولاً ثابت اولان حاجیک الی ماه حبسنه

مصطفانک اشیا سی سرق ایتدیکری اصولاً
ثابت اولان صالحک اوجاه حبسنه

ایتالیالی دیترینک صوفی و ماری و غنکیکی
و دیتری به اطاله لسان ایتدیکری اصولاً ثابت اولدیفندن
اوجکون حبسنه

کال افندینک طاهری ضرب ایتدیکری اصولاً
ثابت اولدیفندن برالتون التوب مضروب ویرلسنه

اورامک داویدی جرح ایلدیکری ثابت اولمش
ایسه ده صفر سی حبسیله ویرلسنه تسلیمه

علی افندینک محمد افندی ضرب ایلدیکری اصولاً
ثابت اولدیفندن برهفته حبسنه

اسماعیلک آنتی ضرب ایتدیکری اصولاً ثابت
اولدیفندن برهفته حبسنه

یقال ایلی ضرب ایتدیکری اصولاً ثابت اولان
یانیک اوج ماه حبسنه

فاطمه ک اشیا سی سرق ایتدیکری اصولاً ثابت
رجک اوج ماه حبسنه

قهومجی محمدک جاملری شکست ایلدیکری اصولاً
ثابت اولان احسانک ایکی کون حبسیله الی بشاک
جزای تقدی آلسنه

یورکینک بالطوسی سرق ایتدیکری اصولاً ثابت
اولان قوچونک اوج ماه حبسنه

پولیس زهدی افندی به اجرای وظیفه حالده
حقارت ایلدیکری اصولاً ثابت اولان امیندن ایکی التون
جزای تقدی اخذینه

صالح و میخال و یاقونک مصطفی افندینک ساعتیه
الحقه سی سرق ایتدیکری اصولاً ثابت اولدیفندن
اوجر ماه حبسلریه

طادلک علی بی ضرب ایتدیکری اصولاً ثابت اوله
یغندن اون بش کون حبسنه

وهاک خلاف تنیه حرکتده بولندیفنی اصولاً
ثابت اولدیفندن ایکی بشاک جزای تقدی اخذینه

موسانک بیرای جرح ایتدیکری اصولاً ثابت
اولدیفندن ایکی التون التهرق مجروحه اعطاسنه

پولیس قومیسری بکر افندینک مادام قاتنه یی
اجرای وظیفه حالده ضرب و اطاله لسان ایلدیکری
ثابت اولدیفندن برهفته حبسنه

خلیل بن محمدک حیدیه عمارتندن قرغان قولی
سرق ایلدیکری ثابت اولدیفندن اوج آی حبسنه

حاصم بن هدایتک اسماعیلک خانه سندن اشیا
سرق ایلدیکری ثابت اولدیفندن اوج آی حبسنه

قامم پاشاده ساکن بارکیرجی حسنک فلیک
مجروریتنه سبیت ویردیکی ثابت اولدیغندن اون بش
کون حبسنه

قصاب پناپوتک لمنی سرق ایلدیکی ثابت اولان
دیترینک اوج آی حبسنه

صاری یار جامع شربی مؤذنی محمد افدینک
ادهمی ضرب ایلدیکی ثابت اولدیغندن برلیرا الهرق
مضروبہ اعطاسنه

طبله کار رجیک علینک اچقسنی سرق ایتدیکی
ثابت اولدیغندن اوج آی حبسنه

حیدک خلاف تنیه سلاح طاشیدینی ثابت اولد
یغندن بش بشک جزای نقدی آلمسنه

قولتقچی محمد بن احمدک علی مختارک دکانندن
اشیا سرق ایلدیکی ثابت اولدیغندن برسنه حبسنه

محمد رئیسک قدری بن عمری ضرب و جرح
ایلدیکی ثابت اولدیغندن یرهفته حبسنه

ترلکچی صادق بن حاجی رجیک عقیقه خانم
ایله والدهسی وحیده خانلمه حرف اندازلق واطاله
لسان ایلدیکی ثابت اولدیغندن بر آی حبسنه

قوندره جی محمد بحرینک خلاف تنیه حرکتده
بولندیینی ثابت اولدیغندن بش بشک جزای نقدی
اخذینه

جمال محمد بن خضر ایله ولینک حافظ صبری
افدینک اشیاسی سرق ایلکیری ثابت اولدیغندن
التیشر آی مدته حبسلرینه

یکدیگیرینه تشهیر سلاح ایلکیری اصولاً ثابت
اولان مصطفی وحق افدیلمک اون بشر کون حبسلرینه
درسعادت ، بک اوغلی و اسکدار بدایت محکمه لری
جزا دائره لرینجه قرار ویرلمشدر .

مُحَامَلَاتُ الدِّیَّانِیَّه

قیر شهری سنجاغی بدایت محکمه سی اعضای
سابقه سندن نعمان و فهمی وحق افدیلمک منافع غیر
مشروعه تأمین مقصدیله خلاف قانون مقررات اعطاسنه
اجتسار ایلکیری آقره ولایتی استیناف محکمه سی
مدعی عمومیلکندن وارد اولان اوراق تحقیقیه
مندرجاتندن اکلاشلمش اولغله محاکمه آلتنه آلملرینه
عدلیه نظارت جلیله سندن مأذونیت اعطا و مذکور
مدعی عمومیلکه تبلیغات مقتضیه اجرا قلنمشدر .

اِیْلَانَات

ایلمنجی تجارت محکمه سنده :

استانبولده الاجه حمام جوارنده مقیم طباق
وشیشه تجارندن یاسف و نظورانک ۲۷ حزران سنه
۳۲۱ تاریخندن اعتباراً اعلان افلاسنه و مصالح
افلاسیه نک رؤیت و تسویه سی ضمیمه اعضا
ملازمی عزتلو یاتقو افدینک روز قومیسر و دعوی
وکیللرندن مارقو آروشاس و مارقو ناخوم افدیلمک
موقت سندیک تعیینلرینه و مغازه سیله اشیای زانده
یتیه سنک تمهیرینه و اوراق و دفاترینک جلبنه و کفالت
قویه ارانه ایده مدیکی تقدیرده توقیفنه و بوبابده کی
قرارک موقه اجراسنه ایکنجی تجارت محکمه سندن
قرار ویرلمش اولدیغندن قانوننامه تجارتک ۱۷۰ نجی
ماده سی موجبجه دائمی سندیکلر انتخاب اولنق
اوزره ۳۲۱ سنه سی تموزینک ۱۲ نجی صالی کونی
ساعت الی راده لرنده اصحاب مطلوبک محکمه
مذ کوره نک مصالح افلاسیه رؤیتنه مخصوص اوطه سنه
گلری اعلان اولنور .

اعلومات شرعیه اجرا دائره سنده :

کوتاهیله زیاده مرحوم محمد عارف افدی
نقود موقوفه سی متولیس قنوی امینی سماحتلو حاجی
محمد نوری افدی حضر تلرینک قوافلی حقیقه خانم
ذمتنده قسمت عسکریه محکمه سندن اعطا ایدلمش
اولان برقطه مقتضا اعلامی موجبجه وقف مذکور
نقودندن الهجینی اولان مبالغ معلومه نک تأمین
استیفاسی ضمیمه مدیونه مزبورده نک عهده سنده
اولوب اشبو دینی مقابلنده وفاء مفروغ و فروختی
محکوم بولنان اناطولی قواغنده میرشاه محله سنده
یوروسی جاده سنده واقع یکریمی یدی نومرو ایله
مرقم برقطه بوستانک اشبو تاریخ اعلانندن اعتباراً
اون بش کون صکره بالمزایده فروختنه تشبث
اولنه جغندن طالب اولوب بی سورمک ودها زیاده
معلومات المقتضیایستیانلرک مدت مذکوره ختامندن صکره
درسعادت اعلانات شرعیه اجرا دائره سنه مراجعت
ایلملری اعلان اولنور .

قرنال بدایت محکمه سی اجرا دائره سنده :

درسعادت امین اوکنده قهوه جی پاپاس اوغلی
ایلیانک مالیه قریه سنده باغچوان صویری اوغلی یورکی
ذمتنده بااعلام محکوم به الهجینی اولان مبالغ معلومه نک

تأمین استیفاسی ضمیمه مجوز بولان قریه مذ کوره ده
فونده لق نام محله برطرفی حاجی لازاری اوغلی ایلیا
ودیکر طرفی یانده لی اوغلی خرستو و برطرفی یانه یانده لی
اوغلی و طرف دیگر طریق عام ایله محدود ایکی قطعه
ترلادن شمال جهتسنده کی برقطه ترلانک تاریخ
اعلانندن اعتباراً اون بش کون صکره بالمزایده فروختنه
تشبث اولنه جغندن طالب اولانلرک قرنال قضاسی بدایت
محکمه سی اجرا دائره سنه مراجعت ایلملری اعلان
اولنور .

نیقولاک ولد مارولی نک وکیلی غلطه ده قرانته
قارشوسنده التمش برنومرولی مغازه ده مقیم یواناک
زحمانیدینک قرنال قضاسنه مضاف مالیه قریه سنده
متوفی قسطنطنیا کی ذمتنده بااعلام محکوم به الهجینی
اولان مبالغ معلومه نک تأمین استیفاسی ضمیمه دیون
مذ کوره مقابلنده وفاء مفروغ بولان مزبور قریه ده
یالی جاده سنده واقع اوتوز نومرولی صرف ملک
برباب خانه نک تاریخ اعلانندن اعتباراً اون بش کون
صکره بالمزایده فروختنه تشبث اولنه جینی قرنال
قضاسی بدایت محکمه سی اجرا دائره سندن اعلان
اولنور .

بولرنت نامیه سی بدایت محکمه سی اجرا دائره سنده :
مدلولی متوفی ملتیدای فورطونه ایستانک پولهنلی
پریکلی صاوه ذمتنده ۶ تشرین ثانی سنه ۳۱۹ تاریخی
واوتوز برنومرولی اعلام موجبجه محکوم به مطلوباتنک
صورت استیفاسی چون وفاء مرهون بولنان پولهنک
(آیولا) موقعنده ۱۶۰۲ نومرولو ترلا ایله زیتونلک
(ربیانا) موقعنده ۲۶ (داسمه) و (قوفو وونو)
مواقعنده ۱۲ (اجه لا) ده ۱۵ (قوقصونیا) ده
۹۰ (اسکله) ده ۲۶ (حمزه) ده ۹ (قلیاط)
موقعنده ۴۲ ، ۲۳ (ایفریپا جوار) موقعنده ۱۵
نومرولو باغچه ، باغ ، جبل ، زیتونلک ، ترلا
(راجه) موقعنده ۲۰۷ نومرولو مرعی ایله زیتونلک
(آیایانی) موقعنده ۱ نومرولو (وورقوز) موقعنده
بلا نومرو زیتونلک تاریخ اعلانندن اعتباراً اون بش
کون صکره بالمزایده فروخت اولنه جغندن املاک
مذ کوره یه طالب اولانلرک پولهنک ناحیه سی بدایت
محکمه سی اجرا دائره سنه مراجعت ایلملری اعلان
اولنور .